

Inatsisartut suleriaasianni § 33, imm. 1 naapertorlugu aalajangiiffigisassatut siunnersuut ataaniittoq Naalakkersuisut matumuuna saqqummiuppaat:

Ukununnga siunnersuutit: Suliassani Kalaallit Nunaannut tunngassutilinni pisortat ingerlatsinerat pillugu inatsisip atuutilersinneqarneranik peqqussummik aamma Allagaatinik il.il. paasitinneqarsinnaatitaaneq pillugu inatsisitigut aalajangersakkat assigiinngitsut allannguutaat pillugit inatsisip ilaasa Kalaallit Nunaanni atuutilersinneqarnissaanik peqqussummik Kalaallit Nunaanni Namminersorlutik Oqartussat akuersinerat pillugu Inatsisartut aalajangiinerat.

(Naalakkersuisut Siulittaasuat)

Tunngavilersuut

Pisortat ingerlatsinerat pillugu inatsisip naalagaaffiup Kalaallit Nunaanni oqartussaannut naalagaaffimmi oqartussat atuutilersitsinerat pillugu Kunngip peqqussutaata Kalaallit Nunaanni Namminersorlutik Oqartussanit akuerineqarnissaanik naalagaaffimmi oqartussat qinnuiviginninnerisa kinguneranik aalajangiiffigisassatut siunnersuut saqqummiunneqarpoq.

Tunuliaqut

Pisortat ingerlatsinerat pillugu inatsit (inatsit nr. 606, 12. juni 2013-imeersoq) Danmarkimi ulloq 1. januar 2014 atuutilersinneqarpoq. Inatsimmi § 43-p kinguneranik inatsit Savalimmiuni aamma Kalaallit Nunaanni suliassanut naalagaaffimmi oqartussat suliassanut suliarisimasaannulluunniit atuutinngilaq.

Imarisaa

Peqqussutissatut missingiutini marlunni siunertaavoq, naalagaaffiup Kalaallit Nunaanni oqartussaasa Danmarkimi pisortat ingerlatsinerat pillugu inatsimmi atuuttumi malittarisassat malillugit suliarsaannik suliarisimasaannulluunniit suliarsinnaanerannut pisinnaatitsinissaq..

Pisortat ingerlatsinerat pillugu Inatsisartut inatsisaat nr. 9, 13. juni 1994-imeersoq Kalaallit Nunaanni oqartussat atuinnartussaassavaat.

Pisortanut aningaasatigut allaffissornikkullu kingunissai.

Naliliisoqarpoq, siunnersuut taamaallaat naalagaaffiup Kalaallit Nunaanni oqartussaannut tunngammat Namminersorlutik Oqartussanut kommuninullu aningaasatigut allaffissornikkullu kinguneqassanngitsoq.

Inuussutissarsiortunut aningaasatigut allaffissornikkullu kingunissai.

Naliliisoqarpoq siunnersuut inuussutissarsiortunut namminersortunut aningaasatigut allaffissornikkulluunniit kinguneqassanngitsoq.

Innuttaasunut ataasiakkaanut aningaasatigut allaffissornikkullu kingunissai.

Naliliisoqarpoq siunnersuut innuttaasunut ataasiakkaanut aningaasatigut allaffissornikkulluunniit kinguneqassanngitsoq.

Tusarniaaneq

Tamanut tusarniaasoqarnikuvoq, naalagaaffimmilu oqartussat tusarniaanermi akissutit pillugit allakkiamik suliaqassapput, taannalu tamassuma kingorna immikkoortup UPA2017-imi suliarineqannginnera nassiunneqassaaq.

Ilanngussat

1. Suliassani Kalaallit Nunaannut tunngassutilinni naalagaaffimmi oqartussat suliarisaanni suliarisimasaanniluunniit pisortat ingerlatsinerat pillugu inatsisip atuutilersinneqarneranik peqqussutissatut missingiummik eqikkaaneq.
2. Suliassani Kalaallit Nunaannut tunngassutilinni pisortat ingerlatsinerat pillugu inatsisip atuutilersinneqarneranik peqqussutissamut missingiut.
3. Allagaatinik il.il. paasitinneqarsinnaatitaaneq pillugu inatsisitigut aalajangersakkat assigiinngitsut allannguutaat pillugit inatsisip ilaasa Kalaallit Nunaanni atuutilersinneqarnissaannik peqqussummut missingiummik eqikkaaneq.
4. Allagaatinik il.il. paasitinneqarsinnaatitaaneq pillugu inatsisitigut aalajangersakkat assigiinngitsut allannguutaat pillugit inatsisip ilaasa Kalaallit Nunaanni atuutilersinneqarnissaannik peqqussutissamut missingiut.
5. Suliassani Kalaallit Nunaannut tunngassutilinni pisortat ingerlatsinerat pillugu inatsisip atuutilersinneqarneranik peqqussummut missingiutip tusarniaassutigineranit akissutit oqaaseqaatitallit.